

**Rosa Ana Prada Queipo, secretaria do Concello de Ames (A Coruña)**

**Certifico:** Que a Xunta de Goberno Local, na súa sesión ordinaria celebrada o día 10 de novembro de 2016, adoptou entre outros, o acordo que copiado é do teor literal seguinte:

**“PUNTO CUARTO.- ADXUDICACIÓN DO PROCEDEMENTO ABERTO CON MULTIPLICIDADE DE CRITERIOS DE VALORACIÓN DAS OBRAS DAS GRADAS CUBERTAS NO CAMPO DE FÚTBOL DO MILLADOIRO. POS 2016.-**

O señor alcalde informa á Xunta de Goberno Local da lista por orde decrecente da puntuación e proposta de adxudicación que formula a Mesa de Contratación no procedemento aberto para a adxudicación das obras “gradas cubertas no campo de fútbol do Milladoiro”, correspondente ao POS 2016.

O devandito acordo de clasificación de ofertas e requirimento de documentación foi notificado ao licitador clasificado en primeiro lugar e os demais participantes no procedemento de contratación.

Unha vez presentada polo clasificado en primeiro lugar a documentación establecida no artigo 151 do Texto refundido da Lei de contratos do sector público, resulta procedente adxudicar a devandita obra.

Visto o que antecede e a fiscalización de conformidade da Intervención Municipal (Informe 176/2016), a Xunta de Goberno Local, por unanimidade dos seus membros presentes,

previa delegación da Alcaldía (decreto 480/2016), adopta os seguintes acordos:

**Primeiro.-** Excluir do procedemento de licitación á empresa Obras y Contratas Rivademar SL por non xustificar a baixa desproporcionada na que incorreu na súa proposta económica.

**Segundo.-** Adxudicar a realización da obra “gradas cubertas no campo de fútbol do Milladoiro” á empresa Obras y Viales de Galicia SL (OVIGA SL), con CIF B-15608193, e nas seguintes condicións:

**A.- Prezo:** O importe da oferta do dito licitador ascende á contía de sesenta e e oito mil cento quince euros e setenta céntimos (68.115,70.- Euros) sen IVE.

**B.- IVE repercutible:** A contía do IVE repercutible ao tipo do 21% ascende a contía de catorce mil trescentos catro euros e trinta céntimos (14.304,30.- €).

**C. Prazo de execución:** O prazo de execución do contrato será de **4 meses**, contados a partir do día seguinte ó da sinatura da acta de comprobación de replanteo, salvo que exista reserva fundada que impida o seu comezo.

**D.- Nomear como director** de obra e coordinador de seguridade e saúde da obra gradas cubertas no campo de fútbol do Milladoiro a Alfonso Salgado, de Salgado e Liñares Arquitectos SLP.

**E.- Resto de condicións:** O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como coa proposición formulada.

**Terceiro.-** Facultar ao señor alcalde, para cantas actuacións de trámite sexan precisas para a mellor execución do acordado.”

E para que conste, aos efectos oportunos, expido a presente co visto e praxe do señor alcalde en Ames, a 11 de novembro de 2016, e coa advertencia de que non foi aprobada aínda a acta da sesión correspondente.

Vº e praxe

O alcalde

José M. Miñones Conde

A secretaria